


續名醫類案

第三



續名醫類案卷二十二

錢塘魏之琇編集

海昌王士雄孟英
定州楊照藜素園

同校

蠱

有人行蠱毒以病人若欲知其姓名者以敗鼓皮燒作末飲服方寸匕須臾自呼蠱家姓名可語之令呼喚將去則愈

治之亦有方

醫學綱目

干寶外姊夫蔣士先得疾下血言中蠱家人密以蘘荷置其席下士先忽大笑曰蠱我者張小也乃收小小至并令解



之士先獲瘳世以此物爲治蠱之良方。

藁音穰藁荷草名
本草無本草通串

畧出

閩櫟

梅師方云凡中蠱毒或下血如驚肝或吐血或心腹切痛如
有物咬不卽治之食人五臟卽死欲知是蠱但令病人吐
水沈者是浮者非也用敗鼓皮燒灰服方寸匕須臾自呼

蠱主姓名

本草
綱目

夷方有蠱毒之害須袖中嘗帶當歸遇飲食訖卽咀嚼少許

若有毒則卽時嘔吐無不安然矣。

漱石
閑談

生甘草五錢煎汁半杯溫飲之入咽卽吐初中蠱毒入腹未
久其虫未生得吐卽出矣如恐未盡再煎五錢服之加麻

黃半蓋更妙

食不輟醋蠱不入肚。又肘後方云馬兜鈴藤能逐蠱從小便出。用至十兩水一斗酒二升煮三升分三服。不瘥更服土人呼爲三百兩銀藥。

大蜘蛛一個研爛。生蜂蜜半蓋和服。蠱畏蜘蛛。故用蜘蛛治蠱。而知蛛有毒。又用蜂蜜製之。此方獨治金蚕蠱。

蠱毒在上則服升麻吐之。在腹服鬱金下之。或合升麻鬱金服之。不吐卽下。李侍郎燾初爲雷郡推官。鞠獄得此方。活

人甚多。

范石湖集

新州郡境有藥人呼爲吉財。解諸毒及蠱。神用無比。昔人有

嘗至雷州途中遇毒而貌頗異。自謂卽斃。得吉財數寸。飲之一吐而愈。俗云昔有遇毒者。其奴吉財得是藥。因以奴名名之。實草根也。類芍藥。凡人遇毒夜中潛取二三寸。或剉或磨少加甘草。詰旦煎飲之。得吐卽愈。俗傳將服是藥。不欲顯言。故云潛取。或云昔有里媼病蠱。其子爲小胥。邑宰命以吉財飲之。暮乃具藥。及旦其母謂曰。吾夢人告我。若飲是且死。亟去之。卽仆于地。其子又告縣尹。縣尹固令飲之。果愈。豈中蠱者亦有神若二監哉。

投荒雜錄

吉利草類。石斛根類。芍藥。吳黃武中李侯以罪徙合浦。入境遇蠱。其奴吉利取此草解之。遂以爲令。

卽前之吉財也

官撫軍安已酉歲秉鉞西臬讞案有爲蠱斃命者獄已定因
檢卷閱之緣養蠱婦女覘富室貿易遠歸知其必攜財倩
隣媼詣其家初作問候狀後乘機藏蠱于指彈之立斃事
主疑而執之送諸官究得其實據供婦女初嫁時已隨附
十九蠱嫁後與伊夫又害六人復增至二十五蠱矣其所
害六人施察出確證者三挖土得尸骸者二其一卽犯事
之家予怪之而未信次日提婦女復親鞠之歷歷不諱因
令呈所養蠱視之出初一竹筒空然無所有女稟法堂聽
政之所邪崇不敢入必咒祭司戶而後可如之則果現乃
蠕蠕赤蠱耳遂令以足踐踏之泥水吏曰却未滅令婦女

呼之蠱仍在筒中，依然如前數，於是訪所以絕之法，用石
而入蠱蟲，封以印紙，投于江，蠱乃滅，蓋蠱之爲害甚毒，有
謂刺蝟能捕蠱蟲，使無遺匿，殊不知蠱之爲類不一，其最
毒者，雖刀斷石碎，火焚土埋，而蠱依然不滅，依附婦女中
人，立死死後，財物爲蠱搬運，以利養蠱者，每害一人則增

一蠱，或云其人被害，魄卽附而爲蠱。

宣遊筆記

雄按雖非醫案足廣見聞

陳自明云，兩廣山谷間有草曰胡蔓，又曰斷腸，亦有感蛇毒
致生惡菌，名爲定年藥，有淫婦與北人交好者，別時陰以
藥置飲食中，仍解之曰：子必某時來，若依期而至，彼復以
藥解之，若過期不往，必死，故謂之定年藥。如服神仙追毒

丸一粒。其病即瘥。五倍子三兩。山茨菰二兩。麝香三錢。午金子去油一兩。紅芽大戟一兩半。各爲末。用糯米煮濃飲爲丸。分爲四十粒。每服一粒。用井花水或薄荷湯磨服。利一二次。用粥止之。此丸能解一切毒。一名太乙丹。紫金丹。一名神仙太乙丹。一名玉樞丹。又名神仙解毒萬病丹。宜於端午重陽七夕合之。須潔淨之所。尤忌一切冲犯。雄案胡蔓

又名野葛。又名雷公。藤浙東亦有之。土人用以殺菜蟲。遂呼爲蟲藥。余在婺每聞輕生者服之。輒死。獄訟頻興。禁之不止。似此定年藥之毒尤烈也。蛇虺殺人亦速。恐蟲藥非此二物所造。然皆可以玉樞丹救之。

諸蟲

賈誼新書云楚惠王食寒菹得蛭恐監食當死遂吞之腹有疾而不能食令尹曰天道無親唯德是輔王有仁德海不爲傷王病果愈王充論衡云蛭乃食血之蟲楚王殆有積血之病故食蛭而病愈也陶弘景曰楚王食寒菹見蛭食之果能去結積雖曰陰祐亦是物性兼然

本草綱目

唐時京盛醫人吳元禎治一婦人從夫南京還曾誤食一蟲

常疑之由是致疾頻治不減請吳醫之吳揣知所患乃擇

主人姨姊中謹密一人預戒之曰今以藥探吐以盆盂盛

之當吐時但言有一小蝦蟇走去然切不可令病人知之

是誑給也姊僕如約此疾頃除

此夢瑣言

元載不飲酒。人強之。辭以鼻聞酒氣卽醉。人謂可治。取針挑載鼻尖。出一小青蟲。曰此猶魔也。聞酒卽畏之。去此無患。是日載酒一斗。五日倍之。清賞錄

孫兆治向大王宮中有一宮人。七太尉所寵也。忽患一疾。凡惡心則吐蟲數條。後乃頻作。七太尉甚愍之。累治不瘥。每用殺蟲藥。則吐蟲愈多。諸醫殆遍。召孫診之。孫曰。六脈皆細。非蟲脈也。今雖吐出。乃臟寒而蟲不安。移居上膈。因而吐出。復用殺蟲之藥。爲藥所苦。不能自安。所以吐出愈多也。孫遂用藥。不三五錢。皆一色九子蟲。遂不吐。明日再召孫至。六脈漸大。進前藥。其病不作。後求方。乃硫黃附子各

一兩並末糯米糊爲丸每三十九米飲下。

綱目

此張岳景治重用溫

臟丸之藍本也但大寒大熱重俱不安亦未可執一

竇材治一婦人病腹脹諸藥不效令解腹視之其皮黃色光

如鏡面乃蟻瘕也先炙牛肉一片令食後用生麻油調輕

粉五分服之取下下蟻蟲一合如線如鬚狀後服安蟲散

而愈

張子和曰汴梁諸匠氏有木匠趙作頭鏤匠杜作頭行次失

路迷至大宅乞宿主人不納曰家中有人重病不敢納君

杜作頭給曰此趙公乃汴梁太醫之家今蒙上司見召迷

路至此蓋病者當愈而遇此公也主人然而入良久復出

將邀二人入室與之食已主人起請曰煩太醫看病何如
趙見而笑曰一藥可愈二人竊議曰來時所攜熟藥寄他
車上此中實無奈何杜曰此甚易耳潛出門得牛糞一塊
作三十粒下以溫水少頃病人覺胸中如蟲行一涌而出
狀若小蠅蜋一二升以手探之又約一升頓覺病去明日
主人出謝曰百歲老人未嘗見此神效之藥也禮餞二人
遂歸此二子小人也

欲苟一時之宿遂以穢
物治人亦偶得吐法耳

周漢卿治武城人病胃痛奮擲乞死漢卿納藥於鼻俄噴赤

蟲寸許口眼悉具痛旋止

明史

鍾大延治一僧嗜鹽每食斤許眾醫雖知爲蟲然服藥輒痛

悶欲絕大延曰是蟲不受藥也富有以餌之以鹽筍乾用

藥煮仍加以鹽令服越數日果嘔蟲數斤許而愈

寧波府志

雄案此則誘之以所好也治病皆宜如此而治蟲尤宜

李明甫東陽人善醫尤妙針法義烏今病心痛垂死明甫視

之曰有蟲在肺下藥所不及惟砭乃可然非易也謬謂於

背上點穴密取水以嚙之令方驚而針已入曰蟲已死矣

既而腹大痛下黑水數升蟲亦去遂愈

兩浙名賢錄

尹蓬頭者傳稱騎鵲鶴仙益異人也一貴人閨女弱病形容

俱變醫人束手無藥可愈母鍾愛不能捨偶邀視之曰有

癆蟲尚可醫請用何藥曰藥力不能治只消與我同宿一

夜便好也。母信其仙術，決無戲言。白之於父，父大怒云：「胡說！豈有公侯家女與一風道士同宿之理？」後見女殊無生意，母又涕泣言之懇切，不已從之。尹令紙糊一室，室不許留孔，設一榻，不用障，令女去其衾衣，用手摩足，心極熱如火，抵女陰戶東西而睡。戒女云：「喉中有蟲，出可急叫我，女不能合眼。而尹鼻息如雷，天將明，女報蟲從口中飛出，尹四顧覓之不見，曰：『從何處鑽去？』不能除根，定要害一人也。蓋乳母不放心，因開一孔，窺之，蟲出女口，已入乳母之腹也。天明，父母視之女之顏色已變，尹大笑而去。後數月，女方擇婿而乳母死矣。」

續金陵瑣事

馮益齋給諫每發言腹中輒有聲應之此應聲蟲病也遂告

病卜居南京楊守極用小藍煎飲之即吐出其蟲

續金陵鎖事

郭茂倩嫂金華君產七日不食始言頭痛頭痛已又心痛作

既而目睛痛如割如刺更作更止相去無瞬息間每頭痛

甚欲取大石壓良久漸定心痛作則以十指抓壁血流滿

掌痛定目復痛又以兩手自剜取之如是十日不已衆醫

無計進黑龍丹半粒疾少間中夜再服下瞑目寢如平昔

至平旦下一行約三升許如蝗蟲子疾減半已刻又行如

前則霍然頓愈矣

綱目

孫文垣治一婦人心痛唇紅痛則大發熱頭痛少頃出汗脉

大小不一

蟲脈

曰此蟲痛之症痛吐白沫可徵也凡心腹痛而唇紅壯

白沫者多屬蟲症

檳榔川椒各二錢杏仁一錢五分石菖蒲一錢

烏梅七个

太多

炮薑草豆仁陳皮各五分山梔一錢一劑痛

減半再服痛全愈

閔蜃樓乃政體肥性躁患痛風手不能櫛沐足不能步履痛

處暑腫呻吟喊叫

此風木生蟲也

凡治七越月不減孫診之曰濕

痰凝滯經絡作痛

也猜錯了

醫作血虛投以補劑宜其不愈乃

用二陳湯加烏藥葉蒼朮僵蚕海桐皮南星服至六帖遂

不肯藥強之曰醫以療痛今反加痛吾何藥焉時已申刻

知其驕蹇性成亦不再強改以羌化醋炒過三分海金沙



一錢爲末。白湯調下。仿更衣丸意至晚瀉一次。下稠痰半盞足。

痛減大半。稍能動止。初更後忽腹中大痛。促進診行。至後

堂。家人出曰。病者卒矣。曰。此必痛厥。非竟死也。臨症者不可不知

且視之。至則冷汗淋漓。兀坐溺器。面青息斷。診之手冷如

冰。六脉俱在。但沈伏耳。知爲痛極。使然。用薑湯灌之。乃甦。

徐語侍女。適來腹中痛甚。火氣迸出。肛門如焚。大响一聲。

不知瀉下何物。視之。乃血魷一條。長六寸餘。鱗目悉具。尙

能游動。衆問如何。曰。此虬物也。得下幸耳。但此劑實爲行

痰。初不知其有蟲。如是。葢荒花乃殺蟲之品。故偶中亦疾

人之福也。次日手足皆能動。仍以二陳湯加以仁紅花五